

Nunna Eng



Postal Regn. No. MZR - 16
e-mail : nunnaeng23@gmail.com

Rawngbawl tura chhandam

☎ Pastor Qtr. : 2326992
☎ Editor : 82579 02084

Volume- 42 Issue No:12 Electric Veng KTP Chanchinbu (Kar tin chhuak) Ni 20.04.2025 (Pathianni)



Thawhleyna Ni (Easter Sunday)

Pastor Programme

Vawiin chawhma Electric Veng ah, Chawhnu Electric Vengthlang leh zan Aizawl Venglai ah te thusawina hun a hmang ang.

Inkhawm Thawhlawm

April ni 13 (Pathianni) inkhawm thawhlawm :

Tumkau Ni - ₹57,722/-
Zan - ₹27,225/-

Ramthar Bawm

April ni 13 (Pathianni) Ramthar Bawm dawh atangin ₹45,470/- hmuh a ni.

Nilaini Zan

April ni 16 (Nilaini) zan inkhawmah testimonial pakhat chhiar a ni.

Buhfaiṭham

April ni 14 (Thawhtanni) zing buhfaiṭham 1850 kgs hralhna atangin ₹37,000/- hmuh a ni.

Zan Ven Inkhawm

April 17 (Ningani) zan inkhawmah Lalpa Zanriah Sakramen chang zat chu mi 1200 an ni a, thawhlawm lakkhawm zat chu ₹46,837/- a ni.

Kohhran Hmeichhe Hriattirna

Vawiin chawhma inkhawm banah kohhran hmeichhe member zawng zawngte Masihi Sangati inkhawmnaah hla zir tur a ni e. Bial Kohhran Hmeichhe intlawh tawn atana kan hla zir hnukung ber tur a ni a, ṭahnemngai takin i zir ang u.

Kohhran Zaipawl

Kohhran inkhawm banah kohhran zaipawl ten hla zir tur a ni.

Vawiin hi Lal Isua Krista, thihna hneha a thawhleyna ni Easter Sunday a ni a. Isua Krista ringtute tana hun pawimawh leh ropui tak kan thlang leh ta a. Kohhran inkhawm kan hmang leh thei tur hi a lawmawmin kohhran hoten lawmthu i sawi ang u.

Thawhleyna ni hi hmun hrang hrangah hman ṭhin a ni a, kohhran hrang hrangah kan hman dan erawh a in ang lo a. Keini kohhran chuan varṭianah Kristian Ṭhalai Pawl bul tumin Easter Sunrise Service a bul ṭan a ni a, member ṭahnem tak kan kal thei a ni. Kohhran nawlpui ang chuan Pathianni inkhawm hun pangngai chawhma 10:30-ah ṭanin hun hman tur a ni ang a, chawhnu leh zan thlangin thupui neia hun hman a ni ang. Naupang lam pawh CNI leh CYS anga hun hman tura ruahman a ni. Kohhran mipuite he hun hi ngai pawimawh a, inkhawm ṭheuh turin kan insawm e.

Vawiin chawhma inkhawm banah kohhran mipui te tan thingpui ruai buatsaih a ni ang.

Hun hman dan tur chu a hnuaia mi ang hi a ni:

Chawhma Inkhawm (10:30)

Hruaitu : Upa F. Lallura
Tantu : Pi Lalzami Sailo
Thupui : Krista, an khenbeha kha a tho leh ta

Chhiar tur : Tirhkohte 3:14-15;
I Korinth 15:3-9

Thuhriltu : Pastor Zothansanga
Zaipawl : Kohhran Zaipawl

Chawhnu Inkhawm (1:30)

Hruaitu : T. Upa K. Lalramhluna
Tantu : Pi Vansangkimi
Thupui : Thawhleyna - tunah leh nakinah

Chhiar tur : Philippi 3:8-11
Thuhriltu : Upa Saihmingthanga Sailo

Zan Inkhawm (7:00)

Hruaitu : Upa Hmingthanga
Thupui : Thawhleyna thuhretute kan ni

Chhiar tur : Tirhkohte 2:32-36
Thuhriltu : Upa Samuel Laldinglana
Zaipawl : CNI

Zan Inkhawm ban Lengkhawm

Hruaitu : Upa V. Lalhlupua

Electric Veng Pastor Bial Inkhawmpui wawi 29-na

April ni 25- 27 (Zirtawpni- Pathianni) chhung hian Electric Veng Pastor Bial Inkhawmpui Wawi 29-na, Aizawl Venglai Kohhran Biak Inah neih a ni dawn a. Inkhawmpui thlarau lam thupui atan “**Tunlai Thil Awmzia**” (Rom 13:11) thlan a ni. Inkhawmpui hi April ni 25 (Zirtawpni) chhun dar 12-ah Bial Standing Committee an ṭhu ang a, chawhnu dar 2-ah Nomination Committee an ṭhu bawk ang. Zanah Pathian biak inkhawm neih a ni ang a, inlawmna leh kohhran report ngaihthlak a ni ang. Ni 26 (Inrinni) nilengin rorel palai te’n ro an rel ang. Zanah Pathian biak inkhawm neih chhunzawm tur a ni. Hun hman dan tur chu hetiang hian:

Ni 25.04.2025 (Zirtawpni)

12:00 Noon - 1:30 pm : Bial Standing Committee
2:00pm - 4:00 pm : Nomination Committee

Zan Pathian Biak Inkhawm : 7:00 pm Inlawmna leh Kohhran report

Hruaitu : Bial Chairman
Tantu : Upa R. Lalthlanlana, Aizawl Venglai
Zaipawl : Electric Vengthlang Kohhran Zaipawl

Ni 26.04.2025 (Inrinni)

10:00 am - 4:00 pm : Inkhawmpui Rorel

Zan Pathian Biak Inkhawm : 7:00 pm

Hruaitu : Bial Chairman
Thuhriltu : Rev.K.C. Vanlalduha, Electric Veng
Zaipawl : Bial Zaipawl

EDITORIAL BOARD

Editor

F. Lalnunpuii

Jt. Editors

Laltianzova Chawngthu
Lalrozama Ralte
Vanzamawii
Zomuansangi

Computer Operators

R. Lalbuatsaiha
Laldinpuia
H.V. L. Malsawma
Kenneth Zonunmawia
Lalremmawii Khiangte
Lalnghaihawmi

News Editors

Lalchhanchhuaha
Eddie Lalmuanpuia
Lalnghaihawma
Lalmalsawmi
K. Lalrempuii

Cir. Managers

Vanlalchhuantea
V. Lawmsangzuala
Vanneihtluanga

Treasurer

Zomuani Ralte



Editorial

Thawhlehma hriatpuitute kan ni

Isua thawhlehma chungchangah hian dodalna leh sawichhiat tumna tun hma atangin a lo awm fo tawh thin a, mahse an la hlawhtling ngai lo. Thawhlehma hriatpuitute kha an ngetin an Chiang em a, hnial dan a, vau beh theih an ni lo a ni.

Isua thawhlehma hretute kha lehkhathiam lo ni mah se, tholeh Isua avangin an huaisena an thil hmuh leh hriatte chu huai takin an puang zel a, roreltute hmaah pawh zam lovin "Keini zawng thil kan hmuh leh kan hriatte hi sawi lovin kan awm thei lo a ni," an ti lo thei ta lo a ni. Chuti ang chuan Kohhran a lo ding a, nasa taka do tawh mah se an pung deuh deuh zawk a ni.

Wawiin thlang hian Kohhran-ho hi Lal Isua a tho leh ngei a ni tilangtu kan la ni zel a, chu chu kan rinna inngahna pawh a ni. Thawhlehma hian Isua nihna Chiang taka tarlangin a thisena a din Kohhran inngahnatlak a nihzia, leh a thu zirtir dikzia pawh a nemnghet a ni.

Tun hun thlang hian Kristian-te hi Isua thawhlehma hriatpuitute kan ni a. Thihna hian kan hmangaihte nen min then thin mah se khuarei thlamuannaa inhnem mai lovin tholeh Isuaa awm Pathian hmangaina ata chu engmahin a then dawn lo tih hriatna chuan thlamuanna leh beiseina min siamsak a ni; a thawhlehma hriatpuitute kan nih avangin.

ZING TAWNGTAI INKHAWM HRUAITU

Ni 21.04.2025 (Thawhtanni)

Hruaitu : Upa Lalchawia

Ni 22.04.2025 (Thawhlehma)

Hruaitu : Pi Thuamkungi

Ni 23.04.2025 (Nilaini)

Hruaitu : Pu T. Hrangzika

Ni 24.04.2025 (Ningani)

Hruaitu : Pi Lalsangliani

Ni 25.04.2025 (Zirtawpni)

Hruaitu : Pu H.L. Chungnunga

Ni 26.04.2025 (Inrinni)

Hruaitu : Pi Thanzawni

Ni 27.04.2024 (Pathianni)

Hruaitu : Pu Ngurremmawia Sailo



Branch News



April ni 13 (Pathianni) zan kohhran zaipawl hla zir dan:

GROUP	Group OB	Group Committee	Member zawng zawng
Branch Committee	29		
Matthaia Group	6	25	34
Marka Group	6	29	40
Luka Group	6	27	33
Johana Group	4	26	32
Hla zir zawng zawng	139		



April ni 14 (Thawhtanni) zan group inkhawm dan:

GROUP	Member zawng zawng	Dar 6:45-a thu hman
Branch Committee	31	16
Matthaia Group	61	19
Marka Group	44	9
Luka Group	41	17
Johana Group	50	13
Chhimtu		
Inkhawm zawng zawng	227	
Thawhlawm zat	₹ 7,680	



April ni 14 (Thawhtanni) zan kohhran zaipawl hla zir dan:

GROUP	Group OB	Group Committee	Member zawng zawng
Branch Committee	24		
Matthaia Group	6	22	29
Marka Group	3	18	27
Luka Group	5	18	23
Johana Group	4	20	32
Hla zir zawng zawng	111		



April ni 17 (Ningani) zana Venpui Zan kan hmannaah member kal zawng zawngte chungah Branch chuan lawmthu kan sawi.



April ni 23 (Nilaini) a tanga May ni 23 (Zirtawpni) chung hian Literature Night puala in lama intihsiakna neih leh tur a ni a. Intihsiakna item tur te chu: Article, Thlalak Thuril leh Bible inchhiar tam siak te a ni ang. Member te thahnemngai taka tel turin kan insawm e.

Group News

Matthaia Group

Member-te inkhawm lamah leh kohhran zaipawl rawngbawlnaah te tel theuh turin an insawm.

Member-te inkhawm kal hma lamah tan la sauh sauh turin an inngen.

Marka Group

Kohhran zaipawl hla zir leh kohhran inkhawmah member-te thahnemngai taka tel zel turin an insawm.

Group sumtuakna Dry Clean-an neih a tlawmngaia thawhtu zawng zawngte chungah lawmthu an sawi.

Luka Group

Venpui Zan leh Easter sunrise programme a tel zawng zawngte leh thuthleng rem hnatlanga tel zawng zawngte chungah lawmthu an sawi.

Kohhran zaipawl hla zirna leh hla remnaah a tam thei ang ber tel zel turin an insawm.

Kohhran leh KTP inkhawm bakah inkhawm kal hma lama tan la zel turin an insawm.

Johana Group

Kohhran zaipawl hla zirnaah a tam thei ang ber tel zel turin an insawm.

Kohhran leh KTP inkhawm kal hma lama tan la zel turin an insawm.

(Ngaihnawm chhunzawmna)

keah an kilh a, an kheng bet a, tlang chungah chuan thi turin an khai kang ta a. Misual khenbehna tura siam mai ka ni tiin a lungngai a, amaherawhchu khawvel chhandam nana Pathian Fapa thihna kraws thing a lo ni reng mai tih a hriat chhuah chuan mak a ti kher mai. Chu Pathian Fapa amaha an khen beh chu mi tam tak damna leh mi tam takin an enrawn a lo ni ta a. Chutichuan, thingkung chuan a tawngtaina chu chhanin a awm tih leh van leh khawvel inzawmna chhinchhiahn pawimawh leh lar tak mai ah a lo tang ta reng a ni tih a in hre ta a.

❖ Isua Krista Rinna leh Amah anna kawnga thalaite hruai

❖ Kohhran Hnathawh tihpuitlin



❖ Kohhran Kutke ni tura thalaite buatsaih

❖ Krista Chanchintha puan darh

Thawhleha Hlutzia

- Rev. H.L. Thianghlina

“Tichuan a ni chuan an hnênah,” Mangang suh u; Isua, Nazareth mi an khenbeh kha, in zawng a ni âwm a, a tho leh ta; hetah a awm tawh lo; en teh u, an zalhna hi!” (Marka 16:6)

Vawiin hi Lal Isuan thihna hneha a thawhleha ni a ni a; Easter Sunday (Isua thawhleha chawlhni) tiin kan sawi thin. Isua chu Pathian thu ang zêlin Kraws-ah khenbeh a ni a; Pathian ruahman sa angin thihna hnehin a tho leh a ni. A ruang hriak thih tuma kal hmeichhiate hnênah vântirhkoivin chiang takin a thawhleha thu hi a lo hrihl a, a sawi ang takin engkim a thleng a ni (Mk. 16:6ff).

Isua thawhleha hi thil thleng palh a ni lo va; Amah ngei pawhin a sawi lâwk tawh, Pathian thiltih ropui lo thleng a ni. Isua hi mitthi tho leh, thawhleha chu amaha tâwp mai a ni lo va, a thawhleha hian hlutna leh ken tel tam tak a nei.

1. Chhandamna famkim lo thlenna a ni: Pathianin misual chhandam tûrin a fapa mal neih chhun khawvêlah a rawn tîr a. Chhandamna chu Kraws-a tuarnaa hlen chhuah tûr a ni. Kraws-a a thihna chu a tâwpna leh famkimna erawh a ni lo. Thihna chu a tâwpna a ni lo va, thawhleha hi a famkimna a ni. Thawhleha hi awm lo se la, thihna ânchhia a bo lo vang a, thawhleha beiseina pawh a awm thei lo vang. Chuvâng chuan, thawhleha hi chhandamna thlên famkimna a ni. Paula chuan, “Tin, Krista kha kaihtawha a awm loh chuan in rin chu engmah lo a ni ang a, in sualnaah chuan in la awm fo a ni ang. Chuti a nih chuan Kristaa muhil tawhte kha an boral ta a ni ang,” (1 Kor. 15:17,18) a ti.

2. Thawhleha chuan thihna a hneh tih a entir: Thawhleha hlutna êm êm chu chatuan nunna kan neih lehna a ni hi a ni! Isua kha thi hlen se, thihna hnehin

tho leh lo ta se chuan, thihna hian kan chungah thu a nei reng dawn tihna a ni. Thlân atanga Isua thawhleha hian thihna hnehtu a nih a entir a, a chungah thihna chuan thuneihna a nei tawh lo. Hei hi Isua ringtu apiangte chanvo a lo ni ta. Paula vêkin, “Krista chu mitthi zing atâ kaihtawhin a awm a, a thi leh tawh dawn lo tih kan hre si a; thihna chuan ama chungah thu a nei tawh lo,” (Rom 6:9) a ti. Isua zara thihna hnehtu kan ni ve mai hi thawhleha thiltihtheihna a ni. Thawhleha hi thi thei mihring tan a va hlu êm!

3. Thawhleha chuan nun thar min pe: Thawhleha hlutna chu nun thar kan neih lehna hi a ni. Bawhchhiatna avânga Pathian laka mi hrang ni tawh kha Isua thawhleha chuan pum khatah min siam a, Pathian lawm tlâk nun thar min pê a ni.

Sualna leh bawhchhiatna avânga sual thununna hnuai ata Isua zarah hnehtu kan ni a, Pathian duhzawng ti thei tawh lo khân a lawm tlâk nun thar kan lo nei leh ta! Nun nei tawh lo khân thihna hneh thei nun kan nei. Paula’n “Aw thihna, I hneha chu khawiah nge a awm tâk? Aw thihna, i tûr chu chu khawiah nge a awm tâk?” (1 Kor. 15:55) tia a sawi hi kan chanvo a ni!



Thingkung Pakhat

Hmanlai hian ramngaw pakhat hian thingkung ho hi inhnaih tak takin an awm a. Ni khat chu thingkungte chuan nakina an nih duh te duhthu samin an sawi ho laih laih a. A then chuan ro hlu dah khawmna bawm an nih duh thu te, lawng chak leh ropui tak siamna hmanrua nih an chak thu te an sawi a. A tawp berah chuan thingkung pakhat hian, “Thingkung thangduang tak, van leh Pathian hnaih a, thing ropui leh hming thang ber, mite hriat rawn nih ka duh,” a ti a.

Kumte a lo inher liam zel a, thingkung chuan a duhthusamte chu a hlawhtlin theih nan a tawngtai fan fan a. Ni khat chu thingkittu rual hi ramngawah chuan an lo kal a. Thingkung tawp ber bula an lo thlen chuan an kit thlu mai ang tih a hlau hle a, a thil nih tum kha a ni thei dawn si lo a. A hlauh ang ngeiin an tan bung a, an dah tha ta daih a. Hun te a liam a, beidawng taka a awm hnu chuan tu emaw hian a awmna hmun thim tak ata la chhuakin krawsah an siam ta daih a. Krawsa an siam hnu chuan mi pakhat hi an puttir a. Rit ti tak maiin kraws putupa chuan dai pawn lam panin kraws chu a pu tiang tiang a, a chang leh a tlukpui leh tawp thin a. Kawng sira mi thenkhat chuan nawmna takin an lo au vel chiam a. Kawng chu tlang pakhat thleng an han zawh tawp chuan, a putupa chu thing krawsah chuan an phuar bet a, thirkhenin a kut leh

(chhunzawmna phek 2-naah)

April Thla Rinna Thutiam Luh Dan

Sl.No	Bial	Tiamtu	Ip Lut Zat	Amount
1	Upa Bial - 1	122	77	₹ 23,980.00
2	Upa Bial - 2	77	72	₹ 17,270.00
3	Upa Bial - 3	114	96	₹ 24,880.00
4	Upa Bial - 4	129	113	₹ 40,490.00
5	Upa Bial - 5	76	58	₹ 21,750.00
6	Upa Bial - 6	98	69	₹ 21,900.00
7	Upa Bial - 7	50	46	₹ 25,370.00
TOTAL		666	531	₹ 175,640.00

Ramthar Field Tlawh

Kan missionary Pu Lalawmpuia Lungen awmna Vaseikai-ah Good Friday hmanpuiin kan kohhran a tângin mi 10 an kal a. Easter Sunday chu kan missionary Pi Zaihlunchungi awmna Buknuam-ah hun an hmang ang.

Kan missionary NI. Vanlalhriati awmna Bampur, Tripura-ah Good Friday leh Easter Sunday hmangin kan kohhran Masihi Sangati member 21 an kal bawh a ni.

Good Friday leh Easter Sunday hmanga zin chhuakte tluang taka hun an hman theih nan kohhranhoten i tawngtaipui ang u.

Kohhran Website & Software

Kan kohhran chuan Website leh Software thar ka nei ta a. April ni 16 (Nilaini) zan kohhran inkhawm ban khan kohhan comimtee room-ah Upa V. Lalhupia Kohhran Vice Chairman chuan Website leh Software thar Pathian hnenah tawngtaia hlanna hun a hmang. Kan kohhran website hi www.epcmz.org ah kohhran mipui a duh apiang tan a tlawh theih reng e.

Thil tha ti atan Krista Isuaah chuan siama awmin ama kutchhuak kan ni si a; chu thil tha tih chu kan awmna turin Pathianni a buatsaih lawk a ni. (Ephesi 2:10)



Kohhran Inkhawm Programme

Pathianni

Easter Sunday Special Programme

Nilaini Zan

Thupui : Kohhran inthen chhan-Thurin leh kalphung danglamna
Chhiar tur : Marka 9:38-41; Philippi 4:8-9
Tantu : Pi Lalnupui, B-6B
Thupuihawngtu : Tv. R. Zaimawia

Inrinni Zan

Tawngtai inkhawm leh thuchah tawi

Thusawitu : Pu T. Lalhmangaihzuale



KTP Inkhawm Programme

Tawngtai Inkhawm

Easter Sunday special programme a nih avangin tawngtai inkhawm a awm lovang.

Thawhtanni Zan Inkhawm

Kumpuan Thupui zir

Hruaitu : Nl. Marina Lalrindiki
Tantu : Tv. Lalthakima
Thupui hawngtu : Pu Vanlalrinchhana



Masih Sangati Inkhawm Programme

Thawhlehi Zan Inkhawm

Hruaitu : Pi Lalrochhari
Tantu : Tv. R. Lalremtuanga

Rilru sawi leh tawngtai inkhawm



Kohhran Hmeichhe Inkhawm Programme

Thawhlehi Zan Inkhawm

Bial chhung Kohhran Intlawhtawn

A hmun : Electric Vengthlang Kohhran Biak In
Hruaitu : Pi Biakthuami, Bial Vice Chairman
Tantu : Pi Lalrinsiami, Electric Vengthlang
Thusawitu : Pi Lalnuntluangi,
Bial Committee Member
Zaipawl : Electric Veng Kohhran Hmeichhia



KPP Inkhawm Programme

Tawngtai Inkhawm

Hruaitu : Pu T. Hrangzika, Gr-III

Thawhtanni zan inkhawm

Group Inkhawm

KPP Group Inkhawm Programme

GROUP - I

A hmun : Pu Tlangmawia in
Hruaitu : Pu K. Lalremruata
Tantu : Pu T. Lalnuntluanga
Thuchah : Pu Malsawmdawngliana
Thawhlawm : Pu Lalniliana
khawntu
Hla hruaitute : 1. Pu Rotlaia
2. Pu R. Lalrozauva

NUNA HARSATNA NEITE TAN

Church Counsellor : -9436374339
KTP Evangelism Chairman : -9862376339
KTP Evangelism Secretary : -9862876300



Naupang Sunday School Zirlai

Chawhnu Naupang Inkhawm (CNI)

Chawhma Inkhawm

Hruaitu : Pu Laltlanzova Chawngthu
Tantu : Ruthi Vanlalruatfeli
Thusawitu : Tv. Lalnunsanga (Director)

Chawhnu Inkhawm

Hla zir

Hruaitu : Tv. Lalsawmzuala Khawlhing

Christian Youth Service (CYS)

Chawhma Inkhawm

Hruaitu : Nl. Lalawmawii
Tantu : Christian Vandingpuia, Johana Group
Bible chhiar rual kaihrui : C. Lallawmzuali, Matthaia
Thusawitu : Dr. Lalhlimpuii

Chawhnu Inkhawm

Biak Inpui ah inkhawm vek tur a ni e.

(KPP group inkhawm chhunzawmna)

GROUP - II

A hmun : Pu F. Saichhunga te in
Hruaitu : Pu Zothanpara
Tantu : Pu JS. Lalremmawia
Thuchah : Pu JH. Zoramchhana
Thawhlawm : Pu Lalruatfela
khawntu
Hla hruaitute : 1. Pu Lalthakima Rokhum
2. Pu T. Lalhmangaihzuale

GROUP - III

(Rilru sawia hun hman tur a ni ang)
A hmun : Pu PC. Pachhunga in, B-7
Hruaitu : Pu Lalrinliana Ralte
Tantu : Pu Lalawmpuia (Op-a), B-6/B
Sawi hawngtu : Pu T. Hrangzika
Thawhlawm lakkhawm a ni ang.



INNEIH SAWMNA

Kan Fanu



Lalrempuii Khiangte
leh

Malsawmzuala
S/o Lalrinsanga, Chaltlang Lily Veng

Kohhran dan thianghlina an inneih min hriatpui tur leh a lawmna chawhlui min kilpui turin kan sawm a che u.

A hun : Ni 23.04.2025 (Nilaini) Dar 2:00 pm
Ahmun : Lily Veng North Presbyterian Biak In

Ramthangliana leh Lalrozami
Electric Veng, Bial 1(C)

